

免與民齟齬南市仍歸紳辦權力較弱反對亦多平心而論諸君動輒招尤能勿代為扼腕然本道對於諸君遇有困難無不主持遇有不合無不勸勉一秉大公毫無成見此亦諸君當能共見共諒者也本年十月間為選舉董事之期照章應改選其半惟試辦甫及二年不得其人從權暫不改選亦無不可乃諸君預先具稟率請總董五人全體辭退既非社會所願聞尤負本道之期望所請應毋庸議仍俟屆期另行酌奪此復

### 實行禁閉烟間事彙記

○昨日為本埠城廂內外大小各烟館

諭禁開辦之期南市城中一帶各烟館皆已收閉絕不留一家  
滬軍管帶吳子仁千戎札飭凌振萬把戎國斌留防太湖水師前營兩江補用副將陳少鵬副戎賀札飭周復且哨弁共率親兵四十名各持洋槍到道轅頭門外來往彈壓驅逐閑人滬道瑞觀察亦自派衛隊十餘名持械在頭門內防護

提右營城汛周監之千戎大東門盤查委員楊千戎帶同水陸各兵分詣城內外嚴密巡查

上海縣李大令午前後帶同差役詣十六舖及城中等處驗看各烟館收閉情形

專查上海示禁各烟間委員鄧司馬文培因見華界禁閉烟間已經實行乃於昨午乘火車回蘇裏復撫憲

聞北西南區副巡官劉光沂太陽廟保甲局員沈淇年滬城西區副巡官劉迺到滬稟知本段烟館均已收閉

後滬道帶同偵探差役衛隊等親詣南市等處調查見各烟間果皆關閉喜形於色遂至洋務局發出諭略謂此次限禁之日在端節後各烟館平時放出之帳自必一律收清設或各欠戶間有停歇之期延不照付有意圖賴應准據實赴地方官呈明聽候提究追繳云

總工程局將歷日報閉之烟館招牌開列清單揭示局前計東區共一十七戶南區九十四戶西區四十五戶

總工程局正副裁判官各率探丁巡士等在所轄境內巡察

公共租界各捕房前晚特飭各華探分往界內大小各烟間諭知如有

匪徒滋擾准鳴巡捕拘辦如有大幫匪棍立即報明捕房不得隱匿

駐滬各國領事以昨日華界大小烟館業已禁閉故特會議租界內禁烟辦法

昨日法租界除團練兵中西探捕防守各處外救火會西人亦各預備法捕房參總巡昨日特派十七號華探至南市製造局一帶又派某探

主城內各處探訪情形

聞上海縣李大令查核奉到蘇省頒發膏店執照與向來烟館之照無

此大異既無禁設烟館一層載入亦無發照領照章程若即給領殊欠

委洽爰另擬辦法四條大旨 一城廂鄉鎮分舖分圖核計商由紳董

會議每一舖一圖宜設膏店幾家但使足敷挑賣總以愈少愈妙為準

一各舖各圖各鎮議定膏店若干家其願照認捐開設者須覓妥保兩

家其結本人認定銷數每兩遵章捐錢四十文只挑不賣燈吃違干罰

辨具結送由本處圖保送冊加結送縣核給執照半年繳捐一次不准

延欠仍隨時抽查如有朦混撤銷提究 一出示領照認捐方准開設

無保未經領照者概不准行挑賣違即准領照之戶稟究膏即充賞

人即治罪至人家自用之膏不准挾私妄指 一膏店清冊以及保結

明英領請滬道轉商薩軍門派輪保護等情曾誌前報茲聞海軍事務處接得滬道公文後以軍門因公赴津不在上海事關調撥兵輪未敢擅奪因即函復滬道現經瑞道逕行發電至津切商軍門速飭派巡以

### 各埠新聞

免疎虞

英藩部論南非華工事 ○十一日倫敦電云英國藩部大臣卓爾希希君謂布達將軍賄通上下議院而遭華工一境殊屬可異今南非洲土人何以反對華工為事余深望議院能為帝國擔任義務使脫

國政府抑制礦務局之權力也譯字林報

直督頒發目兵識字教科書 直督袁宮保以各國陸軍每以兵丁識字之多寡驗其國之強弱北洋兵丁識字者固居多數仍嫌教育未能普及特飭教練處編訂目兵識字教科書以淺顯易識容易教授為主現已編竣共計數十頁訂成一簿本每鎮各發五百本如不足用再由該鎮自行續印嚴飭各營官長並責成書記官及清書等認真

教授勤加講解必期日有進步俾全鎮無一不識字之兵云

衍聖公東旋 ○曲阜衍聖公日前入京陛見現聞已於初五日抵青島初六日到濟南不日即回珂里云

濟南將造戲園 ○濟南西關外商埠近年洋房林立已無餘隙現又有某商等稟請總局擬就空地建造戲園一所以為興旺商務之一助云

繭規酌量化私為公 ○河南商邱縣屬大令稟將向有繭規酌量化私為公提充傳習勸學各所常年經費奉張安帥批該縣興學一切經費尚苦難籌現在歲科早停何得復有繭規名目今擬酌半抽收別除中飽與情既順而開辦傳習勸學各所亦有挹注之資應准立案照辦仰提學司會同布政司轉飭遵照

匪徒盜槍 ○河南軍裝庫大廳陳列各種槍枝作為模範昨有匪徒深夜潛入擄其尤者二支又揀一枝行至後垣以作扶梯越墻而過及局弁聞聲追至後垣已逃逸無踪矣

天旱多疫 ○河南開封府城日久不雨兩月以來僅三月內稍得寸霖而已近日時疫流行傳染甚多醫學堂凌君亦韓精岐黃術竟有日不暇給之勢

加價專賣緩議劃一 ○江蘇禁烟局將會核蘇甯官膏辦法會詳江督當奉端帥批示據詳已悉稽查烟膏係屬禁烟要策現蘇州之官膏加價金陵之官膏專賣名實略有不同自應妥定劃一辦法俾商民有所適從惟當此試辦之初優絀莫辨應如所議將蘇甯兩處現擬章程督飭切實辦理一俟辦有數月成效若何再行擇善而從妥議改良劃一之法通詳察辦以歸一律仰即遵照仍候撫部院批示繳

獎給日弁銀牌 ○武昌函云管帶楚同楚有楚太三兵艦來鄂之日弁水兵等業由鄂省酌留十餘人其餘回國之日弁水兵除發給川資外鄂督張宮保復諭令善後局製造銀牌多面賞給各日人以酬其勞

土膏支卡祇留三處 ○駐鄂膏捐大臣日前札漢口土藥專卡自五月初一日將該司事及所轄各分卡概行裁撤等因委員胡西園大令遵即將所轄火車緝私水陸各支卡概行裁撤祇留花樓橋口南岸嘴諸處以便稽察一切

映江水災 ○江西臨江府屬映江縣近因雨水過多山水暴漲田禾豆麥淹沒甚多云

嚴防門丁需索 ○蕪湖巡警局總辦馮鏡人觀察近聞本局門丁於接收呈詞時有需索情事觀察特嚴加防範改派委員專管收發等事以防濫需而杜弊端